



Arkivnr: 2015/11453-70
Saksbehandlar: Adeline Berntsen Landro

Saksframlegg**Saksgang**

Utval	Saknr.	Møtedato
Hordaland fagskulestyre		16.02.2017

Samordning av namn på fylkeskommunale fagskuleutdanningar**Samandrag**

Det er sett i gang ein prosess for å samordne namna på fylkeskommunale fagskuleutdanningar i landet. Bakgrunnen for dette er at NOKUT, Database for høgre utdanning (DBH) og tilbydarane sjølv ser at fleire utdanningar som er like har ulike namn. NOKUT og nasjonal fagskulekoordinator for dei fylkeskommunale fagskulane samarbeider for å koordinere ein felles søknadsprosess for dei fylkeskommunale fagskulane der NOKUT etter vedtak frå dei einskilde fagskulestyra kan godkjenne namneendringane. For Fagskolane i Hordaland gjeld dette til saman sju utdanningar.

Forslag til vedtak

1. Styret for Fagskolane i Hordaland vedtek at det vert søkt om namneendring for Fagskolen i Hordaland som følgjer:

Studietilbodet sitt noverande namn	Namn som det vert søkt endra til
Arboristfagutdanning	Arboristfag
Teknisk fagskule i akvakultur	Akvakultur
Petroleumsteknologi, boring	Boring
Petroleumsteknologi, boring – spesialisering CETOP nivå 1 og 2	Boring – spesialisering CETOP nivå 1 og 2
Petroleumsteknologi, havbunnsinstallasjoner	Havbunnsinstallasjoner
Petroleumsteknologi, havbunnsinstallasjoner – spesialisering CETOP nivå 1 og 2	Havbunnsinstallasjoner – spesialisering CETOP nivå 1 og 2

2. Styret for Fagskolane i Hordaland vedtek at det vert søkt om namneendring for Hordaland helsefagskole som følgjer:

Studietilbodet sitt noverande namn	Namn som det vert søkt endra til
Kreftomsorg og lindrende pleie for hjelpepleiere, omsorgsarbeidere og helsefagarbeidere	Kreftomsorg og lindrande pleie

3. Styret for Fagskolane i Hordaland er kjent med, og godtar, ordninga med at nasjonal fagskulekoordinator, Bård Inge Thun, kan administrere søknadsprosessen og er NOKUT sin kontaktperson.

Svein Leidulf Heggheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor inga underskrift.

Vedlegg

- 1 Saksgang og krav til søknad

Fylkesrådmannen, 02.02.2017

Det er sett i gang ein prosess for å samordne namna på fylkeskommunale fagskuleutdanningar i landet. Bakgrunnen for dette er at NOKUT, Database for høgre utdanning (DBH) og tilbydarane sjølv ser at fleire utdanningar som er like har ulike namn (sjå vedlegg for utfyllande informasjon). At like utdanningar har like namn er spesielt viktig for søkjarane og for DBH. For søkjarane er det viktig at det er tydeleg at det er same utdanning dei kan søkje på hjå ulike tilbydarar. I høve til DBH er ei samordning av namn viktig fordi skulen rapporterer namn på utdanningane og talet på studentar m.m. Når fleire tilbydarar har ulike namn, ser det ut som at det er få studentar fordelt på fleire ulike tilbod.

NOKUT peikar også på at ein del av namna som er godkjent av NOKUT, tidlegare ikkje ville vore godkjent i dag fordi dei inneheld element som viser til opptakskrav, eller inneheld omgrepet «fagskule» eller «fagskuleutdanning».

NOKUT og nasjonal fagskulekoordinator for dei fylkeskommunale fagskulane samarbeider for å koordinere ein felles søknadsprosess for dei fylkeskommunale fagskulane der NOKUT etter vedtak frå dei einskilde fagskulestyra kan godkjenne namneendringane. Søknad om namneendring er ikkje ei «vesentleg endring», men ein kan likevel ikkje endre namn utan å søkje om godkjenning frå NOKUT om dette. Dersom styret for Fagskolane i Hordaland vedtek å søkje om namneendring for dei utdanningane dette gjeld, vil nasjonal fagskulekoordinator vidaresende dette til NOKUT.

For at NOKUT skal kunne handsame saka, må styret for Fagskolane i Hordaland gjere vedtak som er tydeleg på:

- Kva namn utdanninga har per i dag og som er godkjent av NOKUT tidlegare
- Kva namn styret ønskjer å endre til
- At styret er kjent med, og godtar, ordninga med at nasjonal fagskulekoordinator, Bård Inge Thun, kan administrere søknadsprosessen og er NOKUT sin kontaktperson

Følgjande endringar i namn vert føreslått:

Fagskolen i Hordaland

Studietilbodet sitt noverande namn	Namn som det vert søkt endra til
Arboristfagutdanning	Arboristfag
Teknisk fagskule i akvakultur	Akvakultur
Petroleumsteknologi, boring	Boring
Petroleumsteknologi, boring – spesialisering CETOP nivå 1 og 2	Boring – spesialisering CETOP nivå 1 og 2
Petroleumsteknologi, havbunnsinstallasjoner	Havbunnsinstallasjoner
Petroleumsteknologi, havbunnsinstallasjoner – spesialisering CETOP nivå 1 og 2	Havbunnsinstallasjoner – spesialisering CETOP nivå 1 og 2

Hordaland helsefagskole

Studietilbodet sitt noverande namn	Namn som det vert søkt endra til
Kreftomsorg og lindrende pleie for hjelpepleiere, omsorgsarbeidere og helsefagarbeidere	Kreftomsorg og lindrande pleie